

偃師金石遺文補錄

傷師金石遺文補錄序

古者有造金無桀石桀石始於秦始皇然特銘勒功迹於景鐘嘉量其器雖殊而其用則一自讖緯之說興而封禪之事起無懷太岱周穆弇茲俱不著於禮經始皇好爲靈徵瑞應諛臣但知稱功誦略故不復考其真僞惟仰企懿徵興荆盛制思以垂示萬載昭爲不朽然於墟墓祠廟仍無所及蓋始皇所桀者石也非碑也後世所用者碑也非石也古人之所爲碑施之於墓則下棺施之於廟則麗牲從無刻文紀事之例有之後漢書載陳寶卒大將軍何進遣使弔祭海內赴者三萬餘人共

栞石立碑又郭泰卒同志者共刻石立碑蔡邕爲文冢  
墓之有碑自此始水經注載華嶽廟有石闕數碑又期  
思縣城西北隅楚相孫叔敖廟有碑祠宇之有碑自此  
始然則以下棺麗牲之物栞文鐫字皆肇端於後漢矣  
碑學開於酈中尉古人遺迹著於各方各士人藉輿地  
以傳輿地亦得藉人以爲左證故據攷獨精爾後宋歐  
陽修趙明誠黃伯思陳思王象之等則徒以嗜好收羅  
取高爭長大失酈氏本旨惟洪适兩書猶能分別篆隸  
詮釋異同比諸家較勝而於地里終無涉焉偃師古三  
亳版尹自殷商而后代爲名區又侯氏仙人靈星撫父

奇異並存虛谷進士生長其間博學能文湛深經術往  
與余相識於弇山尙書大梁幕府其爲人沈毅果敢有  
季次之風旣出其所次偃師金石遺文示余採擇之富  
證引之確向所欽佩秋塋大令出宰是邦竭其心力廣  
爲搜訪又得若干種并加詮釋輯成補錄一十六卷與  
進士書苔岑互證由是一方之舊迹靡遺而千載之遺  
文大備矣余以爲古人著書一書出必有一書之關係  
於方書爲更宜秋塋歷試繁劇咸得其土俗民情經猷  
懋著非僅得作縣譜焉蓋由今以溯之古用古以治其  
今人謂秋塋以餘事登臨訪古余則謂秋塋之學術於

是乎顯而治績亦於是乎出矣若武城弦歌淮陽臥理  
召信臣董仲舒輩寧不足重哉抑又聞之鼎銘之體稱  
善不稱惡故荀子以爲銘誅繫世敬傳其名於碑頌亦  
然然人之善惡詳於史冊原不以私相溢美爲定論但  
是編旣爲風俗所開不得不稍存彰瘴又秋塋作書之  
微意歟然則是書之關於偃師者大矣書成專使屬序  
敢略論之如左嘉慶二年六月六日錢坫書於乾州官  
舍浣花拜石軒

原序

偃師與洛壤接由漢魏以迄隋唐皆爲京輔都會之區  
其間宮觀寺宇與夫陵墓所在多侈于他縣而銘誌刻  
記附以流傳至今者亦頽廢敗沒于榛莽無人之墟予  
方童幼時聞過其下輒知摩挲存之歸卽條記某所某  
刻石畧能道其歲月事蹟始末自是三十餘年癖好益  
甚聞鄉人有新獲自土中者必屬其多方秘護或竟倍  
價構覓以歸會修縣志陽湖孫君淵如屬稿未就以書  
致當事者必要予續成之予感孫君之意爲出舊所蓄  
金石諸文字別其存佚校其損脫具錄成帙附證于史

籍傳志以與縣之山川都邑道里墟聚凡見于碑刻者  
轉相推明蓋實于當日廢興沿革割并之蹟古事之存  
悉得其據依而旁及前志鑿空皮傳之失與今志小牽  
附者亦時有規焉旣成上之當事者已編入志爲金石  
錄于是又擇其案跋釐爲四卷自覓工刊刻意欲別行  
于世更俾後人因予所記以攷遺文因遺文以證方志  
其尤取資于徵信者必非一端可盡則予此編之所述  
其可不謂之勤且要與然又不能不歧望于來者益爲  
搜著以終成予硜硜之志則庶其無負也與乾隆五十  
三年著雍涪灘之歲壯月武億撰

偃師金石遺文補錄序

秋塋明府旣蒞偃師爲政之餘披案圖志覽武君虛谷所編金石遺文讀而善之更度當時採輯或未盡于斯時屬士人尋剔積漸有獲不憚手自推稽合前錄裒爲十六卷遣人徵序于予先是予與秋塋在西安客弇山尙書幕府旣而移節中州秋塋獨從事左右尙書公雅好通博所至必搜遺刻秋塋久與之習亦漸移其所嗜凡歷攝他縣訪得片石輒手摸上寄蓋徒以佐尙書公成書然尙不暇自爲集記迨閒數歲秋塋以吏議去商邱又久之始得官是縣旣已百廢具興又從而成其所



好故以嘆秋塍之與世異趣且喜其書泊然寓意于深也金石之文取以證地理其係於方志者尤爲著明酈中尉注水經實能詳識碑刻所載以表故城舊界俾人尋覽易徵其蹟後之得是意者蓋鮮有聞焉宋元豐間北平田概著京兆金石錄六卷已佚不具存近時葉封嵩陽石刻記成錄旣限一方又泛然雜所稱引益不足以取爲體要偃師自漢迄宋與緱氏迭相廢置其治所徙建無常人遂臆度顧縣爲古縣以宋緱氏城當之予發是編所收宋緱氏重修仙鶴觀記慶歷中卜得縣署之西南而裁可百步則故城之蹟可案也又載陽村造

經幢記益知是地于宋爲芝田鄉及栽偃師東南之境  
入永安而後鄉名始專歸焉則割隸之界域可攷也縣  
治北馮邱山之原于唐爲龍池鄉又西迤北淮廟于後  
梁爲毫邑鄉緱氏之南在宋爲太尉鄉又南蔣村在元  
爲嘉禾鄉又東南管茅在後周爲唐興鄉其他如覆舟  
百岷撫父諸山及靈蹟勝區之存皆灼然定其方位以  
目驗得之非取徵于是殆莫由規其髣髴故予謂秋塍  
之致力于是其旨與酈氏符若其碑銘墓記推顯古人  
之功緒上與史傳相糾正次與此方利病相攷見秋塍  
悉摛摭纖悉書之亦非無所爲而姑爲是言故以云爲

知據也前歲乙卯秋塋方受縣事卽體訪孤生之貧而  
才者拔置縣士之首于時遠近翕然歸美旣又崇學明  
教敦率興行月課歲程與諸生相勗勵其庶乎比諸古  
良吏之爲而無忝者與宜其政嫻而心理獨犯舉世之  
所迂笑以漫爲是好予故爲之發其意俾世之覽者有  
以引端于此焉嘉慶二年六月旣望錢坫書于乾州官  
舍

偃師金石遺文補錄總目

卷一

周

漢

魏

晉

後魏

卷二

北齊

卷三

唐

起顯慶二年至  
上元二年

卷四

唐

起萬歲登封元年至  
天寶八載

卷五

唐 起貞元十五年 至 長慶三年

卷六

唐 起太和四年 至 乾寧四年 附無年月

卷七

後梁 後唐 後周

卷八

宋 起乾德三年 至 景祐元年

卷九

宋 起慶歷四年 至 嘉祐八年

卷十

宋 起熙寧二年 至 元符三年

卷十一

宋 起建中靖國元年 至 宣和口年

卷十二

宋 無年代 附偽齊

卷十三

金

卷十四

元 起大德十一年 至 延祐四年

卷十五

元起天歷二年至元統三年

卷十六

元起至正元年至十五年 附無年月

金石遺文補錄卷一

邑人武億廬谷原集

秀水王復秋膝續補

周

寅簋銘

佚

考古圖銘曰有進退雪邦人正人師氏人有皇有故迺  
馭服卽汝迺繇宕卑復虐逐故君故師乃作予一人服  
王曰寅敬明乃心用辟我一人善效故友內辟勿事  
虐從獄受雜且行道故非正命乃敢疾僉人則唯輔天



降喪不廷惟死錫汝柩一鹵及斧芾赤湯鴈輦華軒  
朱號卣襲虎冕練裏畫鞞畫輦金司馬四匹鑿勒敬  
夙夕勿法朕命寅拜稽首揚天子丕顯魯休用作寶簠  
叔邦父叔故萬年子子孫孫永寶用


童鉅按偃師尸鄉春秋尸氏也水經注以爲王莽所  
謂師氏莽意欲返古尸古得通稱師如寅簠銘所謂  
師氏人者蓋卽偃師人也

億案漢書地理志載莽曰師成亦不謂之師氏若據  
水經注遵收相傳定本恐非致確余以銘所載師氏  
蓋爲官名周禮師氏掌以嬖詔王注告王以善道也

今銘內王曰寅敬明乃心用辟我一人將  
 而厥於衆爲協詩小雅十月篇耦維師氏  
 周之衰亦猶未改故當時寅爲此官而銘  
 先書之是也寅簋舊器旣佚後人惟據轉  
 相牽釋之文傳訛踵謬益失其實今概不  
 存錄亦非疑以傳疑之義余姑仍府志所  
 著附以辨證俟識者擇焉

齊刀補





復

案齊刀一以建初尺度之長四寸五分有奇

一寸柄長二寸五分闊七分柄端有圓徑一寸一分

有奇武虛谷乙卯歲客濟南桂未谷持贈云出之曲

阜凡千餘爭爲人構去惟刀文五六字者最少此刀

文凡六字釋爲齊徒陽郡吉化徒似指徒駭也齊直

創霸擁遏八流則徒駭之陽或亦置爲郡也與背有

十十卽十卽化蓋爲十貨二字古布多有此文

當三刀之次第如是

劉公鋪銘

佚

考古圖銘曰劉公作杜孀尊鋪永寶用

童鉉案周靈王時有劉定公景王時有劉獻公此云劉公未審爲誰偃師有劉亭乃劉公采地也

億案左傳疏宣十年天王使王季子來聘傳稱劉康公來聘是王季子食采於劉遂爲劉氏據此劉康公當定王時又在定公前爲劉亭受封之始者童氏失引又括地志云劉聚卽劉累故城案累之後在周爲

唐杜氏故劉公作杜孀尊鋪用以不忘其先是益非  
周之劉子矣如志所證恐未爲信也

漢

比干銅盤銘

佚

瞿堂集古錄銅盤銘右林左泉後岡前道萬世之寧茲  
焉是寶

鐘鼎欵識開元四年游子武之奇於偃師耕耘獲一  
銅片盤形四尺六寸上鏤文深二分其左右前後岡  
道與泉並存唯林無矣考諸圖籍卽比干之墓

童鍾按一統志及金石志以爲偃師有比干墓銅  
銘所謂比干墓者非殷比干乃漢何比干也偃師志  
何比干汝陰人漢武帝時廷尉墓中以銅盤爲誌出  
於唐開元中

億案何比干事附見後漢書何敞傳云六世祖比干  
武帝時爲廷尉正與張湯同時縣志本此脫正字敞  
傳注引何氏家傳惟載爲汝陰獄吏決曹椽後爲丹  
陽都尉又載本始元年自汝陰徙平陵家傳鋪揚事  
蹟容過其實而歷官占籍宜不致有誤是比干爲廷  
尉正果在徙家後上距張湯之自殺已四十一年焉

得同時況先家汝陰後徙平陵其墓亦不當在偃師  
皆志附會之過也

復案太平寰宇記比干墓在縣西北一十五里當時  
或以偃師爲商先王故居因返葬于此是開元所出  
銅盤信非妄爲也舊志牽入漢何比干失之

夷齊廟二碑

佚

水經注首陽山上有夷齊廟前有二碑並後漢河南  
尹廣陵陳導雒陽令徐循與處士平原蘇騰南陽  
進等立事見其碑

案後漢書五行志章懷太子注蔡邕作伯夷叔齊  
碑曰熹平五年天下大旱禱請名山求獲答應時處  
士平陽蘇騰字元成夢陟首陽有神馬之使在道明  
覺而思之以其夢陟狀上聞天子開三府請雨使者  
與郡縣戶曹掾吏登山升祠手書要曰君貺我聖主  
以洪澤之福天尋興雲卽降甘雨也据酈氏云夷齊  
廟有二碑此伯喈所作當爲其一又案水經注作處  
士平原蘇騰今章懷注依中郎碑作平陽未知孰是  
酈食其廟石入銘

佚



水經注陽渠水逕漢廣野君酈食其廟南廟在北山上成公綏所謂偃師西山也山上舊基尙存廟宇東面門有兩石人對倚北石人胸前銘云門亭長

億案後漢書百官志正門有亭長一人玉海云門亭

長主州正門今兩石人對倚廟門其銘義本此

酈食其廟碑

佚

水經注石人西有二石闕雖經頽毀猶存丈餘闕西卽廟故基也基前有碑文字剝缺不復可識予安卽澄芬於萬古讚清徽於廟像文字厥集矣

碑

鍾繇墓碑

佚

天下金石志偃師有鍾繇墓碑

晉

司空密陵光侯鄭袤廟碑

佚

水經注王莽中亭卽緱氏城也休水屈逕其城西水之西南有司空密陵光侯鄭袤廟碑文缺不可復識城門校尉昌原恭侯鄭仲林碑

佚

水經注休水西南有晉城門校尉昌原恭侯鄭仲林

碑皇始六年立

童鈺按皇始乃秦符氏健年號金石攷作泰始六年

是

億案戴氏校定水經正作泰始六年童氏所據本傳

刻者誤也

銅釜銘


存八分書今藏韓甲辰家

太康三年八月六日右尚方造一升銅釜重九斤七兩

第一

億案銅釜近自韓太初構覓得之寺僧某與余向所藏晉劉府君碑並爲縣金石之冠釜口兩旁有耳今已損脫尙微有痕腹中起邊楞向下鐫銘凡二十三字其云造一升銅釜重九斤七兩推較今權量釜容一升當今官升二升二合重九斤七兩當今秤三斤十兩按古權量大率皆以三而當一據此釜證之量則以四升五合餘當今之一升權則以二斤九兩六錢餘當今之一斤歐陽集古錄谷口銅甬始元四年左馮翊造其銘曰谷口銅甬容十斗重四十斤以今

權量校之容三斗重十五斤斗則三而有餘斤則三而不足與此可類舉也晉書職官志少府統材官校尉中左右三尚方自渡江唯置一尚方銘載右尚方正與史文合隸續晉銅澡盤款識泰始元年者亦有右尚方字是益足証明也又斗作升漢碑刻如隸釋所載老子銘有升星字石門頌上順升極洪氏並云斗字亦可附證余近閱禮器圖釜皆作敞口上寬下狹口上旁夾兩耳如俗稱高耳鐺者得此釜證之蓋臆製如斯其誣故爲附繪圖如左俾徵古器之存有所仿焉



右軍將軍鄭烈碑

補

佚太康四年七月

金石攷太康四年碑在緱氏

君諱烈字休林滎陽開封人也其先出自宗周建國于鄭因胙命氏君其後也遠祖以亢節著德揚光漢氏之初近葉以儒術傳古顯名中興之後逕至曾祖先生皇祖徵君蹈明哲之高尙嘉肥遯而不悶顯考將作大匠實有茂德載在國策君應中和之醇靈總文武之宏畧清識妙於研機聰殷瞻於燭物踐逸軌之遠迹秉確然之大節故雖夙罹不造而能全老成之德居無檐石而

能風冰霜之絜是以英材邈於羣萃並行侔於在昔初  
上計掾止司隸車騎將軍府轉參寧朔將軍事除魏令  
其爲政也仁以施化則靈恩衍於春陽壯以發令則神  
威肅於秋霜末俗變而歸本僞萌反於忠良元澤洽於  
朔都芳風勃而南翔文皇帝爲相國親覽萬機訓咨俾  
乂君以盛德宜登王佐遂典喉舌賦政于外百揆時序  
庶事無廢皇猷顯融光被遐裔五等初建封平莖男聖  
上踐祚拜騎都尉賜子一人爵關中侯遷馮翊太守于  
時獫狁孔熾西土不靜部方有戎馬之塵邊邑覩燹烽  
之警君震以神武柔以仁惠威懷允著寬猛相濟遷北



軍中候典司禁戎董渠羣帥明鑒審於官材清風激於  
在位義正形于聲色衆望儼而祇畏故六軍之正咸當  
而請謁之言莫至遷兗州刺史加輕車將軍流化河濟  
馳風區外翰音振於天末遺嚮暢於吳會遐邇肅齊萬  
里是賴寢疾彌留氣還京輦徵拜議郎享年六十大康  
二年秋八月丁巳薨悠悠縉紳莫不傷心愠天道之無  
誠哀邦家之喪鎮天子乃命使者奉策追贈右軍將軍  
印綬謚曰僖侯於是故吏殿中監申揚等相與永思盛  
德言時計功若龔父鏤烝夷之鼎魯人著泮宮之頌乃  
伐石建碑刊表茂庸裨清風禱于百世遺光流乎無窮

其辭曰峨峨嵩嶽中夏之鎮於鑠僖侯含德之純英齊  
宣朗窮理入神龍蟠道淵振曜景雲北臨魏邦百族時  
雖登讚聖皇五典從西守舊京威風折衝還司六軍  
肅清天工出牧萬里元化潛通委辭名位帝嘉厥庸追  
贈寵服以顯高縱勒銘金石日月是同大康四年七月  
十日辛未造

隸續

金石錄右晉鄭烈碑云君諱烈字休林又云曾祖先  
生皇祖徵君顯考將作大匠實有茂德載在國策烈  
晉史無傳以碑考之嘗爲文帝參佐武帝時仕爲兗  
州刺史封東莞男以疾徵拜議郎卒于太康二年追

全宋文卷之一  
贈右軍將軍謚曰僖侯云

補

隸續晉故右軍將軍平筦僖侯鄭府君之碑隸額鄭君名烈熒陽人仕于晉初至兗州刺史輕車將軍召拜議郎以太康二年八月卒故吏申揚等立此碑四年之七月也鄭君所封其上一平字則曉然可識下一字額已損而銘辭亦微缺僅若筦字趙氏以爲東筦則誤也晉縣亦無平筦非鄉名卽亭名也予嘗以魏末至晉宋隸字無可取者晚獲此碑其勁健方格顧後絕配若雜置漢刻中未易甄別孰謂秦無人焉士君子被褐懷寶枯槁巖壑之下響不徹於一舉名

不揚於後世與此碑等者多矣可勝歎哉稽山石邦  
哲熙明聚碑頗富今亡矣假之其子祖禮諸石有同  
問莊問兄弟亦出其所藏故能成書于越未得毗陵  
尤袁氏張駒氏數種旁搜遠取因以補前書之闕尤  
張皆第進士博雅之秀也

碑以嚮爲嚮  
以縱爲縱

億案鄭君碑文全具隸續爲故吏中揚等永思盛德  
伐石建碑刊表茂庸蓋紀功之碑也然鄭君自初除  
魏令遷馮翊太守遷兗州刺史召拜議郎以卒歷官  
並未在近畿不知此碑何以建于緱氏亦未審金石  
攷何所據也

復案鄭烈碑金石攷云在緱氏予以寶刻叢編類次  
鄭烈碑在鄭州于地爲近實

劉府君墓誌

存八分書無年月今藏武億家

晉故使持節都督青徐諸軍事征東將軍軍司關中侯  
劉府君之墓君諱韜字泰伯牀孝處士君之元子也夫  
人沛國蔡氏

億案誌向爲土人掘井出之已二十餘年仍棄置一  
民家乾隆癸卯余自杏園庄假之而歸石以今尺量  
度不過二尺餘上銳下齊作圭形無年月可考字皆

完好無缺晉碑世不多有而此誌尤喜爲余得獨不  
淪毀亦其有幸不幸與劉君官不爲卑然於功狀竟  
無所鋪叙古人之不溢美尤爲可愛如此誌所言關  
中侯證之金石錄晉光祿勳向凱碑有賜爵關中侯  
晉鴻臚成公重墓刻有守鴻臚關中侯隸續晉右軍  
將軍鄭烈碑賜子一人爵關中侯與此符合或曰關  
中侯卽關內侯之異文余謂不然魏書置名號侯爵  
十八級關中侯爵十七級皆金印紫綬又置關內外  
侯十六級銅印龜紐墨綬五大夫十五級銅印環紐  
亦墨綬皆不食租與舊列侯關內侯凡六等

見三國志注引

晉書武帝紀五等之封皆錄舊勳本爲縣侯者傳封  
次子爲亭侯爲鄉侯爲關內侯亭侯爲關中侯然則  
既有關中侯又置關內侯其爲二爵顯然而世多混  
同爲一此古制之存愈以失考也又晉書張軌傳累  
遷散騎常侍征西軍司下文又以軍司杜耽牒州事  
苻堅載記馬建降於萇遂攻據害之及其軍司席防  
向凱碑亦載爲軍司碑軍司之名同此誌石出自杏  
園墓亦當在是然無可尋矣陳龍正家矩誌石尚防  
發掘須令易見若華家禮合字於背外用缺束是應  
之也雖掘者見石何由知爲某塚而遽歇手乎冀其

斷鍊開諸察詳觀抑又難矣宜仰字於面但以軀發之離壙前數尺淺埋之案此石由掘井始出土蓋卽當日誌墓之石埋於壙中者制亦如漢碑式而形制特小直不復用軀較之字矩以意爲之者更有據也禮家宜倣爲後人埋銘定式

中州金石記劉府君墓誌題云晉故使持節都督青徐諸軍事征東將軍司關中侯劉府君之墓君諱韜字泰伯沛孝處士君之元子也夫人沛國蔡氏凡四十七字關中侯出魏書云侯爵十八級關中侯爵十七級關內侯十六級者是也

補



復案關中侯見晉書者尙有羊祜傳陳留王立賜爵  
關中侯陳騫傳兒子惔爵關中侯侯史光傳封關中  
侯何攀傳兒子逵關中侯陸機傳賜爵關中侯劉喬  
傳賜爵關中侯又軍司見羊祜傳有軍司徐凱王戎  
傳趙王倫子欲取戎爲軍司荀晞傳又請越從事中  
郎劉洽爲軍司顧衆傳除平南軍司不就殷浩傳除  
侍中安西軍司並稱疾不起袁瓌傳爲鎮南將軍下  
敦軍司孔衍傳父毓征南軍司皆原錄所未引然軍  
司亦由改名漢以來但稱軍師而已通典隗囂軍中  
嘗置軍師至魏武帝又置師官四人晉避景帝諱改

爲軍司凡諸軍使置之以爲常員所以節量諸軍  
監軍之職也

後魏

王子晉碑

佚

金石畧延昌四年

故懷令李君墓誌銘

存正書武泰二年在縣西喬家村今移置明倫堂

君諱超字景昇本字景宗後承始祿叔在江右者懸同  
故避改云秦州隴西郡狄道縣都鄉華風里人也雅著

高節敦襲世風言行足師興作成准備情孝友因心名  
義安貧樂道息詭遇之襟介然峻特標礪焉之操弱冠  
舉司州秀才拜奉朝請除恒農郡冠軍府錄事參軍事  
宰沁水縣臣政崇治綽居尤最爲受罪者所誣章憲臺  
誤聽被茲深刻除名爲民於是廿年中浮沈閭巷玉潔  
金志卓爾無悶到熙平二年甫更從宦補荊州前將軍  
騎兵參軍事復作懷令已受拜垂垂述職遭疾正光五  
年八月十八日卒於洛陽縣之永年里宅時年六十孤  
貞華首訖於二邑門從無兩遠邇酸恨懷之百姓長慕  
喪氣雖陳留之哀望胡季嚴不是過也越六年正月丙

午朔十六日辛酉葬洛陽縣覆舟山之東南元壤雖窮  
陵谷時異刻茲陰石照序光塵泱泱顯袞薌蓂西垂代  
襲清則口炳羽儀道妙之門緒風屬斯惟祖惟考倜儻  
瓌奇昌謨迭駕高獲明規杳量无隄元契不貲棖修異  
貫員應紛枝灼灼伊君山立淵渟棲真宅正寢繩履程  
懿鑠爲質醇素用情均治禮世氣重財輕亦旣從招旁  
溢鴻聲隨牒出入審勿力誠爰在近邑先邁儀形絕交  
獨坐化動陰窆尙德貽谷衆實叵蓋拂衽歸來飭轅褫  
帶恂恂卿閭萬殊一會優柔善成无小无大垂白再仕  
汎爾公流階倫稍降盛業愈邁遂作後城士女承仵繼

頓方馳盡土悲愁尅節炯言引賞靡微端恭妄矜家俗  
虛膺權彼圯蹟事閑篇繪長源未輸深圖乍卷蘊此逸  
機空生徒返茲寃易削疇毒難遺楨栴疎竦泉房寒遠  
孀孤內爛妹弟摧咷式鏤沈石託注幽篆妻恒農楊氏  
父談爲邾州主簿息女孟宣年三十六適恒農王始偁  
郡中正息女媛姿適遜西常彪侍御史息女仲妃適武  
威賈子謐涼州治中息道冲息女婉華息女休顏息女  
四輝息道逸年十六息道栖年十三

億

案誌石近出土並無斷缺李君諱超字景昇本字  
景宗後承始族叔在江左者懸同遂易其字誌下文

又云正光五年卒越六年始葬北史孝明帝紀正光五年下改元孝昌孝昌三年改元武泰又孝莊帝立則爲武泰元年今按誌自正光五年起至越六年之久其葬已在武泰二年矣當時年號在數年中凡屢改易而纖悉書之不便於文故約舉言之誌石出自今喬家邨旁近此誌云葬洛陽縣覆舟山之東南當時偃師并屬洛陽於斯可徵而覆舟山古蹟之尙存者亦有指也

中州金石記云碑稱正光五年卒越六年始葬按明帝正光六年改元孝昌孝昌三年改元武泰核其時

當是武泰二年也云秦州隴西郡狄道縣都鄉華鳳里人又云卒于洛陽縣之永年里皆古里名又云葬洛陽縣覆舟山之東南太平寰宇記偃師縣有覆舟山陶季述京邦記云周回二十里下有白水苑是也此云在洛陽者與偃師接境銘詞云衆實叵蓋者叵測之意蓋出說文序云是非無正巧說衰辭使天下學者疑蓋然則蓋者疑不定之意耳又云植樹疎疎則爾雅拍搥是也

補

復案字景昇墓誌弱冠舉司州秀才拜奉朝請除恒農郡冠軍府錄事參軍事宰沁水縣臣政崇治綽居

尤最復作懷令已受拜垂垂述職遭疾正光五年八月十八日卒於洛陽縣之永年里宅時年六十孤貞華首訖于二邑門從無兩遠邇酸恨懷之百姓長慕喪氣今以攷景昇以正光六年乙巳卒年六十距其生爲天安元年丙午及弱冠舉秀才又宰沁水蓋在太和中矣至後熙平二年復作懷令實當肅宗時魏書良吏傳稱肅宗馭運天下潯然其於移風革俗之美浮虎還珠之政九州百郡無所聞焉今誌言景昇宰二縣所在爲人見思如此而未嘗附其名或亦採葺之疎非吏治無可紀也



東魏

造須彌塔記

存正書天平三年正月在縣北牙庄古聖寺

大魏天平三年歲次丙辰正月朔癸卯合邑等敬造  
彌塔一堰仰爲皇帝陛下師僧七世父母所生父母以  
緣眷屬後爲過地衆生常與善居彌勒三會唱在初首  
下生人間侯王長者合邑諸人所願如是後列教化主  
王方畧戶曹和維那劉缺邑師法顯邑師道寶比邱道  
景比邱僧惠賈仲郭阿个等

中州金石記文云大魏天平三年歲次丙辰正月癸

卯測合邑等敬造須彌塔一區仰爲皇帝陛下師僧  
七世父母所生父母因緣眷屬後爲邊地衆生常與  
善居彌勒三會唱在初口下生人間侯王長者合邑  
諸人所願如是下列邑師比丘唯那等名中有佛象  
長六寸字畫鋒穎透露可想見六朝筆勢碑在偃師  
北十八里古聖寺此寺意卽魏時所立縣進士武君  
億得于土中急置寺壁手拓其文寄予真好古敏求  
之士也

補

### 造石像碑文

存正書武定六年八月在縣南湯王廟

夫元精曠邈妙理沖深至道不廓幽隲難覩故像物開  
光出於恍惚之中法相倫暉生於希夷之外瞰彼口山  
結王子之口想睠茲口水開九龍以成津瞻口堂堂若  
穹旻之帶曜靈尋之杳莫若遊霞之登九霄口口正覺  
焉可究哉故佛弟子邑主

空八字當時待與  
姓氏本非殘缺

等導流荆

宛馱光嵩洛據口衡口道冠中鼎然自以生逢隘運形  
沈邱壤識果業之可崇知冥等之有期恐朝露之命覩  
太陽而旭晞草木之年隨秋霜而降墜怙恃先霽因極  
之功弗展幼子遐褰覆育之恩靡託遂罄竭家資口引  
區區構像通衢崇慈寶業興善喚谷之濱條蕩平原之

里背祗邱以樹形跨蘭嵒而建宇庶能使七世山  
處天堂之中前亡後死免脫八難之苦爰及胃允口口  
相承軒蓋重輝窅口繼口入衛鈞陣出宰藩岳台鈞相  
望珪璋疊影口口翕蔚流聲篆素伏願皇道雍熙景命  
維新駿奔載馳我淚交軫行蘆歌德霜豎被澤齒錄再  
炳升口吉始凡厥蒼生成衆斯福乃作訟曰

聖迹啟元學道永真國王非寶儲二匪珍捐妻施子外  
若遺塵金軀靡悵望虎投身遂登正覺神通自然羣魔  
稽首靈冠諸天慈悲萬有光照大千苞綸曠劫仰之彌  
元擾擾羣生有善有惡報應如響隨心降擗磬茲悲果

庶免鼎鑊覲拔幽魂遷神妙藥伏願皇家景祚康延解

鞅桃林釋轡

卽轡字

華山蒲車巖阿訪逸求賢孤竹捨微

黃綺執鞭誹木徒設諫鼓空懸導茲邑義採石嵩陽方  
琢是肯樹此福堂勒碑啟像跨躡崇口壽之皎皎千載  
流芳

中州金石記邑主造石象銘云邑主敬造石像碑文  
邑主下及故徧弟千邑主下俱空八字無人名本非  
殘缺當時待填姓氏耳文與字亦頗拙其別體甚多  
然云仰之彌元元遠也又云隨心降穽穽落也又云  
罄茲悲果當借爲腆字多也見六朝時人猶能用古

字古義今則文章日尙通俗不出尋常行用之字補

復案碑載怙恃先靈霑卽零乃作訟曰訟卽頌孤竹拾微微卽薇省魏齊閒書石多別體字此亦有據非盡可訾也

賈元壽北邙寺碑補

佚

魏書馮熙傳北邙寺碑文中書侍郎賈元壽之詞高祖頻登北邙寺親讀碑文稱爲佳作

復案唐建昌黎馮王新廟碑稱熙酷信釋教凡出俸

祿于諸州鎮建浮圖精舍合七十二處今之廟地舊建北邙寺乃其一也今浮圖舊址尙存其寺碑文中書侍郎賈元壽所製孝文每登寺讀碑嘉嘆不一據唐所建碑在縣治西北劉家坡是魏北邙寺在縣境矣府志列入洛陽非也魏洛陽卽漢舊都今石橋及保駕庄諸村落卽其地又唐碑言乘暇謁拜碑版里滅蓋碑在唐代亦無存矣

金石遺文補錄卷一終

邑人

徐方子校  
武庫澤恩溪

仙師金石遺文補錄卷二

邑人武億虛谷原纂

秀水王復秋塋續補

齊

姜纂造像碑

存正書天統元年九月在董家邨董春家今移入明  
倫堂

大齊天統元年太歲乙酉九月庚辰朔八日丁亥口官  
姜纂爲亡息元畧敬造石像壹軀

夫霑暉西沒至理東遷曷盡神明像窮變現道口口遙



業峻因藉報遠清信士姜元略志隆邦國仁越州閭衡  
巷仰風鄉邑譽望早洞元源夙達空指而石火電爛標  
忽從化松摧落岫蘭彫夏霜寶散黯泉玉碎黃壤父纂  
情慕東門心憑冀福特爲亡畧敬造先君像壹軀左右  
二侍聖相真容妙絕婆娑雕檀刻削波斯惡奇鐫金鏤  
石優填慙巧神光照爛遍蒲閭浮香氣氤氲充塞世界  
業盛飛行事荷踊出以此勝因追資亡畧直登淨境獨  
步虛空逍遙天服乖出六塵遨遊慧體長超八難彈指  
則逼侍十方合掌則歷奉衆聖過去尊卑見存眷屬亡  
生淨鄉現獲妨果當來龍華願昇初唱皇家慶隆澤治

遇地三途楚毒俱辭苦海六道四生咸蒙勝願  
形同成正覺

洪亮吉中州金石後序校齊姜纂記云天統元年太  
歲乙酉九月庚辰朔而知北齊後主之編千支亦誤  
億案碑完好其文云口官姜纂爲亡息元畧敬造石  
像一軀又稱清信士姜元畧志隆邦國仁越州間云

云案顧亭林以今人出財布施皆曰信士宋太宗廟  
避御名凡義字皆改爲信然以此推之殆於高齊間  
已有清信士之稱則當時所避亦有據也又石鐫小  
像傍勒數字云孫女娥皇亦重舜妃之諱俗流不經

金石遺文卷二十一  
如此別體字靈作霑東作東因作回儻作儻冥作冥  
老作尢遙作遙飛作乖邊作邊

中州金石記亡息元畧造象記云案此碑及武平七  
年孟阿妃造象記皆近年出土偃師武進士所搜得  
者前人俱未著錄文中別體甚多惟爛作爛用古字  
補

造七佛寶堪記

存正書天統三年三月在縣西義井鋪北

妙旨幽微非聖無以盡於源聖行之典非福智莊嚴豈  
能宏其道然今合邑諸人等宿殖明珠久歷諸佛故能

異心同契仰慕遺踪在於定光像前敬造七佛寶壇并  
二菩薩賢聖諸僧彌勒下生梵王帝釋舍利非壹其金  
容赫奕照曜三千華麗二相妙苑八十尅木圖泥像而  
非喻採壁模形焉是其譬觀之者淨信開明安禮者三  
彭殄息斯乃塵勞之中紹如來種藉此勝善仰願國祚  
永隆三寶增盛法界四生七世先靈存亡父母現在眷  
屬發菩提心彌勒下生恒爲導首開化羣迷廣修萬行  
共集善根同證菩提之道刊銘頌曰

法性如如非有非無體非分別妙用非虛八相成道似  
同凡夫生而非生滅而非滅神通陰顯摩王歸軼化導

三千人天獨步改迷接聖慈悲覺寤示三空門令遊正  
路淨修波芳西攝資助舊翼道品菩提永固天統三年  
歲次丁亥三月壬申朔十五日丙寅建

洛州督兼治中奉朝請皇甫士通

洛陽郡中正姜範

征東將軍洛州大中正平恩縣開國男皇甫迴

冠軍將軍洛州金鏞鎮前車騎府司馬趙恩榮

復

案碑後列銜洛州督兼治中奉朝請皇甫士通洛

陽郡中正姜範征東將軍洛州大中正平恩縣開國  
男皇甫迴冠軍將軍洛州金鏞鎮前車騎府司馬趙

恩榮隋書百官志司州牧屬官有治中州督此以州  
督兼治中蓋官有闕員權設之洛陽郡中正通典魏  
孝明正光元年罷郡中正北齊郡縣皆有之卽與此  
同至稱洛州大中正及金鋪鎮前車騎府司馬皆考  
稽齊制者所宜詳焉又碑稱在于定光像前敬造七  
佛寶堪卽魏永平中所造定光像一區高二丈八尺  
者是也崇侈極麗當時號爲鉅觀如是別體字莊作  
莊龕作堪璨作璨

宋買造像記

存正書天統三年四月在城內壽聖寺

缺

旨道圖明言像所未臻文字不能休口之者旣難法  
海波爛遊之者勿易是大都邑主宋買廿二人等可謂  
知周道濟之功圓應遍知之述宗尙庄老之談景慕神  
仙之術強櫟博聞辯說無尋宜陽金口深藏法相乃祖  
乃父積德於無窮維子維孫修道於祇劫故能知四毒  
之分口五蔭之美庄遂寄財於三寶託集於婆羅啟鳩  
家珍敬造天宮石像一區其天宮也左險淥水具有公  
路峒之佢迴右觀舊都快有京華之勢前囑風嶺據口  
曹操之故堰口口口望山伊洛之南地私乃正是四奧  
之澤壤中缺之靜土唯非舍利神變之首實是須達布

金之地其像也乃運玉石於荆山採浮磬於淮道鑄

彫文

缺龍缺

而翠琰鏤林圓形等金錦而竟炎雲林見

光未殊於此妙尅檀

缺

嗣有愧於全容旣如天上降來

又似地中湧出其中方相在口五色鮮妙朱紫爭光青

黃吐艷跛看之從樂善妄歸觀

缺

難周尋刑叵遍自非

高見大士十力世雄孰能建私功業者哉緣茲摩訶善

根仰啟洪顛三寶常存法輪永固王祚尅隆七世先寤

託生妙樂見在春屬值

缺

開法四生之

缺

等成正覺天

統三年歲次丁亥四月辛丑朔八日戊申建立

億

案石龕置壽聖寺殿壁間與吳洛族碑同時取出



文稱大都邑主宋買二十二人又稱邑中正宋買必  
其鄉曲之豪也鄙別字濶作爛莊作在慕作暮强作  
强覽作攢辨作辦碍作碍果作菓竭作竭臨作險澗  
作澗囑作囑區作區布作布刻作尅端作端訥作勇  
業作業靈作靈又言造天宮石像各一區其天宮也  
左臨淶水具有公路澗之低迴右觀舊都快有京華  
之勢前囑風嶺據缺一曹操之故區三字不山伊洛  
之南云疑此天宮皆據四望言之當近緱氏地也  
不知此記石何時移置耳石左右側面悉有名題

造神碑記

存正書武平二年九月在西義井鋪北

自夢影東翻金人感帝像法肇興鳩摩攷悟方知城芥  
易窮五衣時往雲電屢馳石光何速若夫智出非恒道  
光大地德被天中威羅世界莫不發迹紫宮口軀兜率  
越度生死之河飛憑沸流之海而四生夥雜八徑紛綸  
壽等芭蕉業同泡沫然大鑒降澤顯迹迦夷應權雙樹  
見從忍土布慈雲於無邊注法雨於六道懸明鏡於重  
惛炳金燈於其夜然則神珠照灼膜寶塔於空中甘露  
禎祥潤枯萌於世上若乃久墮慾海不識沈厄之苦長  
處火山詎愁熾燎之痛矣是以邑師比丘僧道畧體白

六通獨懷二覺雄才勇志摠判三乘澄華皎淨與琉璃  
合潔素質鏗鏘與隋珠角曜故知二鼠之暴不停四蛇  
之毒萇在遂能共邑義三百餘人等託志普隄建崇宏  
願石山藍田求工班爾敬造神碑一所尊像八堪龍螭  
鉅鏤若雲山之列彩麗狀妙形似七寶之莊嚴而改天  
動地之奇窮神盡聖之巧閭浮婆娑之珍衆生大慈之  
業然則地兼爽塏比竹林而並麗寺帶良田匹鹿苑而  
不殊花菓蠢蠢桂蘭綺合靈芝勺藥布護堦廷房廡周  
通斜口口出倚摘壁瑤浮樑止雪蓮錢遠淥井碧水類  
清泉水樓交葛篴鐸參老羽翮翮林飡聽妙響鴛鴦雙

樹旣好真音至於青風朗扇鐘聲相和莫覺擅指合掌  
南無遊歷四禪之境觀入三脫之中內安萬練之僧招  
精進之士銀爐鼓炎百和騰烟鋤響讚聲定崩煩惱有  
性厥靈永登寶地凡命含品普昇淨土藉斯功德遍沾  
元劫芳諸時欵銘歌何窮其詞曰

元冲眇邈正教終歸三明白達六識雲飛浮虛兜極颺  
影紫微懸空遊息三界徘徊地居勝土寺遶花蓮周迴  
風觀遍帶流淵上千浮漢下際幽泉方須玉糲事藉金  
船踵茲洪福爲乘舟櫟發心何遠彼岸猶長天人覺懣  
超投大康所願閭浮同登淨鄉

大齊武平二年歲次辛卯九月十五日建

復案碑別體字邊作邊長作甚堪作龕列作烈狀作  
狀莊作莊梁作樑清作青悟作憇點畫增損既有乖  
于正文偏旁疊加寶自亂其名體書學之變壞是爲  
已甚矣

大口馮翊王□□□□金像寶□碑

存正書武平□□八月在縣西義井鋪北半里

金石錄目北齊馮翊王平等寺碑武平二年八月

蓋口功惟缺通言□□在自口成□□□關鷲山大則

照神光于大千微則總百億於微芥乘權授手津被塵

沙有感斯應缺於西林口教口於東夏真口口廣靈口

再興不有覺人孰宏斯道至若拔山移海之力復真興

周缺之缺侶或負氣口門口口累世缺神化澹泊百祀

口口莫不委骨高於山岳屑淚多於河海共轉輪迴之

苦同歸缺月口口口彼岸平等寺缺永平中造定光銅

像一區高二丈八尺永熙年金塗訖功像在寺外未得

移缺大缺大殿正屋口邑爲豺鹿之窟皇居成戰鬪之

場四海分崩八容淪喪人物將盡盛缺神口皇帝龍口

先天奉時觀口口休於是虎視豹變鷹揚鵠起補西北

之虧天紐東南之缺地大拯蒼生康滋頽口自嶠面西

割缺帝城口烽口口畿甸機衝口命視便使口口難齊

衣冠道輒將令五禮儼制謀遷協於卿士卜從呂決簪

龜上天苑從大同口口口皇輿口口口口移輦洛遂

空城寺口毀銅駝之街無從連鑪金馬之門寧聞待詔

荒涼宮室禾黍生悲寂寞池臺邱墟流歎口口祖以王

業草創口口口口志去門泥觀口故洛見像瓌奇神微

屢感莊嚴具足相好如真若出峴山猶居祇樹時流運

謝隱晦口紀遂口月口口淨口花缺淨口青蓮未遷福

地達人弘道觸物兼懷發菩提覺心希無上正果躬親

致祀遷像入寺登紀羽林長口守口武定末世宗文襄

皇帝□□□□河洛歷攬周京觀佛儀相世未嘗有  
身色光明實所希妙崇申禮敬廣施軍資增給兵力因  
□□□□代驟改□非固□石□□廬易毀磨整傾  
□結構崩頽駁癰上于雕梁青苔□于藻井遊麤積塵  
等形柱於慧禪草莽生懷□神留於知崇行□□□  
□□枯□□之內菊爲茂草太宰河陽道大行臺錄尙  
書事馮翊王高潤卽神武皇帝之稚子文襄章烈□昭  
武成四□□金□□之懿□稟精璫室分萼鄧林椒氣  
所膺誕茲英哲可謂崑山之上美玉挺生瀛海之中明  
珠閒出迴□□□自□□數仞崖岸平□□□非梁燕



之儔富學豈簡平之輩既能調通四氣宣導三光鼎鍊

由其致和禮教因之敬洽飛口口問忠口樹聲致福

缺

土宇受賑而靜關河德若膏蘇恩同雲雨出軍命將必

稟策以折衝掠地屠城會諮謀於帷幄王旣通口二洞

口三口口知佛

缺

不究竟護浮口於苦海機寶口於金

河自推轂專行口戎奉律治兵餘暇降志元道鳴鑾展

禮覽駐驂服俄見繡雉飛于梁口文狸起于口中歎淨

宮之彫毀嗟伽藍之落構永言舊事思用修復割捨倖

於布金穷材罄於文梓匠人單五葩之妙畫繪極口土

之奇崢

缺

虬紆於鯨棟扶鳳竦于紅梁類元圃之銀樓

等蓮葉之玉闕天衣容與颺三銖之重像色□□□十

力之缺始可口矣寺則升彼崇邱□□清洛右依城雉

左帶洪陂嵩岳擁其前靈河行其後望缺興賢口勝地

真粵福田于是苦行異人慧心高德皆通九部咸曉二

禪乃振揚來儀成田高山虧□□□豐碑宜勒銅柱

須慟徽猷盛事無殞長葉其詞云

賢缺同歸大師□□空播音徽彼岸須登寶舟宜運劫

石期盡肌膚何恹聖帝英王缺是屬貞明瓊宮□氣瑤

室和精氛氤降祉生此人英其慧劍旣佩試珠是缺興

卜雲臨旭口雕梁口柱口壁丹樞朱扉玉砌青鎖金鋪

風鳴韻鐸日照和珠高山仰

缺

城隍潤口口是

缺

三乘

七覺衢導俟問口山虧一匱海涸三田殷墟閱寂周室

缺齊武平口口八月十五日刊

金石錄右北齊平等寺碑題太宰馮翊王定光像寶  
殿碑馮翊王者名潤齊神武子也碑云寺魏廣平王  
懷所立永平中造定光銅像一區高二丈八尺屬魏  
季像在寺外未果移入其後齊高祖過洛始遷像入  
寺至潤又增修殿宇焉據楊銜之洛陽伽藍記云孝  
昌三年十二月中此像面有悲容兩目垂淚三日而  
止其後尔朱榮北海王尔朱兆入洛陽像皆悲泣如

初每經神驗朝野惶懼其事甚異而此碑不載

億案碑題額經雨溜浸沒猝不可辨今依北史馮翊王潤歷司徒太尉大司馬司州牧河南道行臺錄尙書事別封文成郡公太師太宰而碑云太宰河陽道大行臺錄尙書事馮翊王高潤卽神武皇帝之稚子皆與史合但河南道宜從碑作河陽道此自史文偶疎耳書雜篆隸有古韻非俗手爲之

中州金石記云馮翊王潤平等寺碑文稱高潤神武皇帝之稚子按北齊書列傳云馮翊王潤字子澤神武第十四子也鄭樵金石略有北齊馮翊王平等寺

寺碑云武平二年在洛陽知卽此碑今多摩滅又無年月矣金石錄載其文云寺魏廣平王懷所立永平中造定光銅像在寺外齊高祖始遷像入寺潤又增修殿宇焉洛陽伽藍記云平等寺廣平武穆捨宅所立在青陽門外二里御道北所謂孝敬里也堂宇宏美林木蕭森平臺複道獨顯當世寺門外金像一軀高二丈八尺相好端嚴常有神驗國之吉凶先炳祥異孝昌三年十二月中此像面有悲容兩目垂淚遍體皆濕時人號曰佛汗京師士女空市里往而觀之有比邱以淨絲拭其淚須臾之間絲濕都盡更以他

絲換俄然復濕如此三日乃止明年四月爾朱榮入洛陽誅戮百官死亡塗地卽此寺也

復案碑載平等寺永平中造定光銅像一區高二丈

八尺永熙年金塗訖功像在寺外未得移口又神口

皇帝先天奉時觀口口休自峭兩西割缺謀遷協于

卿士卜從目決蓄龜口移鞏洛遂空城寺口祖以王

業草創觀兵故洛見像瓊奇神徵屢感莊嚴具足躬

親致祀遷像入寺武定末世宗文襄皇帝觀佛儀相

世未嘗有廣施軍資增給兵力馮翊王高潤永言舊

事思用修復云蓋寺之廢建歷魏至齊所序足謂致

詳可爲楊銜之伽藍記續補也碑言神口皇帝是謂  
神武口祖以王業草創卽高祖也北史神武帝紀神  
武以孝武旣西恐逼嶠陝洛陽復在河外接近梁境  
如向晉陽形勢不能相接依議遷鄴碑云自嶠而西  
割及口移鞏洛遂空城寺與史相符若寺基之址碑  
云右依城雉左帶洪陂伽藍記謂在青陽門外二里  
御道北碑所云右依城雉是也金石錄引此記云孝  
昌三年十二月中此像面有悲容兩目垂淚三日而  
止其後尔朱榮北海王尔朱兆入洛陽像皆悲泣如  
初每經神驗朝野惶懼其事甚異而此碑不載據碑

前言觀兵故洛見像瓊奇神徵屢感卽鑿插此事非  
不載也碑自金石著錄及府志皆載入洛陽攻虜刻  
以來洛陽舊都故蹟在東南者實爲今偃師縣之西  
境故改入此縣仍識其原非好爲牽附如此碑書字  
以紃爲容莊爲莊簷爲簷薨爲薨虹爲紅標作櫛

孟阿妃造像記

存正書武平七年二月在縣南董家邨今移明倫堂  
大齊武平七年歲次丁酉二月甲辰朔廿三日丙寅  
信弟子孟阿妃敬爲忘夫朱元洪息子慈息子推恩白  
石息康奴息女夏姬等敬造尅君像一區今得成就願



亡者去離三塗永超八難上昇天堂侍爲道君茫茫三界蠢蠢四生同出苦門俱昇上道

億

案碑近出土無剝泐詞云清信弟子孟阿妃顧亭林案魏書刑法志有河陰縣民張智壽妹容妃則固有以民間女而稱妃者今證之此碑孟阿妃蓋爲一時通稱並無顧忌春秋正義妃者匹配之言非有尊卑之異曲禮所云天子之妃曰后諸侯曰夫人大夫曰孺人士曰婦庶人曰妻正義又以爲因其得之尊卑爲立別號其實皆配夫通以妃爲稱然則今造像之碑其詞亦爲村嫗老媪所自謂蓋亦無足異者也

別體字亡作忘老作尢軀作區又敖與𠂔皆不曉何字

中州金石記孟阿妃造象記云案碑新出土其以忘夫代亡夫甚奇寅作寅雙作𠂔姬作姬蠡作蠡皆異文敖字未詳補

楊安都造碑像記

存正書武平七年四月在縣南後周村

昔波斯慕聖以銑靈容育王建塔而尚妙狀是以都邑主楊安都合邑五十人等皆至心聰穎解識無常逐罄竭家珍敬造碑像一區備營元闕今得並就以此微因

金史卷一百一十四  
一四  
仰資帝祚永延金輪耀世又願七世蒙澤常遵正化選  
及有形去來同益其詞曰

波斯迢聖迭習相因育王建塔化導無邊智周有趣爲  
物遲延共崇茲祐寄記永季 武平七年歲次丙申四  
月十五日建

億  
案武平七年造像碑在董家村者爲孟阿妃所建  
其書武平七年歲次丁酉証之此碑七年爲丙申蓋  
阿妃紀歲誤也汜水武平五年殘碑書歲次甲午汝  
州法行寺武平六年殘碑書歲次乙未則楊安都碑  
立自七年云丙申者爲是阿妃女流倩俚俗人書之

其謬至此碑刻爲韓延乙搜出少年好奇如斯尤不可沒其用心故樂爲著之以勸邑人

買都石像主記

補

存正書武平二年十一月在義井鋪

復案碑陽俱鐫佛像上層橫勒彌勒下生主石万禧

武平二年十一月廿七日用錢五百文買都石像主  
一區董伏恩彌勒下生主閃州騎兵參軍倉州洛陵  
縣令董相勝彌勒下生主董通達左邊書當陽像主  
伏陂將軍儀州司馬廣武郡西面都督南潁川郡城  
局參軍石永興當陽像主璵遠將軍加廣武太守張

元勝以陝爲閔滄爲倉樂爲洛音近則借用之又波  
易水爲口鎮易金爲玉魏齊間人書文有乖正體不  
可訓也廣武郡有西面都督南潁川郡有城局參軍  
隋書百官志載後齊官制都督不言有西面城局參  
軍不言郡有皆宜資考于此也左側鑿佛龕鐫字多  
毀蝕僅有歲次丙申九月八日佛弟子某口至口聰  
口解識无常遂舍家珍仰爲亡父母敬造釋迦像丙  
申歲武平七年也有側有武平七年九月造像人名  
氏缺其文云造釋迦像一區二菩薩仰爲皇帝陛下  
師僧父母法界衆生離口口樂口口成佛又有丁尋

寧至心聰穎解識无常遂捨家珍仰爲父母敬造釋  
迦像又有七年十月廿三日稱清信佛弟子韓鼎子  
敬造釋迦像一區并二菩薩仰爲七世父母因緣眷  
屬使毒樹枯又有願諸有形同登彼岸及庶待十尊  
速登正覺宇

吳洛族供佛碑

存正書無年月在城內壽聖寺今移明倫堂

口珠玉非濟度之珍尺璧豈救口之寶欲取將來之益  
郡自莫口於舍施是曰爲馬無怪標名口一冠檀爲功  
福亦不二今裔口弟子吳洛族十五人等竝宿籍實因

洞識超遠居或曉真遊塵獨處捉妻子不爲已物惟以  
片著用爲家有各率誠心敬造釋迦殢勒石像周迴十  
堪畫飭悉訖其尊容雜事雕瑩殊異亦可驗之於目觀  
更不待言題矣其詞曰

泉源浩汗無邊無畔應似而胥診之洪漢邑及誠感誰  
不詠讚口此微緣除之八難

億  
案記石在壽聖寺大殿龕置壁間碑陽皆佛像邊  
界少有字如塏作塏象作濠杪作杪標作櫛皆別體  
字亟覓人發取之碑陰尙完好書勢尤方勁可喜蓋  
爲吳洛族十五人造彌勒石像作記記後又有讚其

字飾作飭邊作邊以是斷之決爲北齊間物無疑也  
造像記

存正書無年月在明倫堂

億案記持一小石爲鄉人砌置牆根武丙南訪得之  
今移置縣學字欹側漫漶首行齊字可辨餘有正信  
佛弟子皆當時但文不足備錄也

智景造像記

補

存正書無年代在治西石橋蒲救寺

復案碑鑿龕爲佛像旁鐫比丘尼智景敬造觀世音  
石像一龕爲皇帝陛下一切衆生同時作仏旁又鐫



比邱尼智景造彌勒石像一龕清信女趙天姬撫其  
筆勢製作亦魏齊間遺刻也

偃師金石遺文補錄卷二終

邑人

徐宜方于校  
武穆淳愚溪